

January 1934

殷虛書契前後編集釋序

Yusen YE

Follow this and additional works at: https://commons.ln.edu.hk/ljcs_1929



Part of the [Chinese Studies Commons](#)

Recommended Citation

葉玉森(1934)。殷虛書契前後編集釋序。《嶺南學報》，3(2)，137-139。檢自：http://commons.ln.edu.hk/ljcs_1929/vol3/iss2/4

This Article is brought to you for free and open access by the Scholarly Publications of Lingnan University (Guangzhou) at Digital Commons @ Lingnan University. It has been accepted for inclusion in 嶺南學報 Lingnan Journal (1929-1952) by an authorized editor of Digital Commons @ Lingnan University.

殷虛書契前後編集釋序

葉 玉 森

自同邑劉氏鐵雲藏龜行世，瑞安孫氏仲容據以箸契文舉例名原兩書，析文剖辭，時有創解。惜取材未博，立說綦難；然竄路藍縷之功，不可沒也。上虞羅氏雪堂甄集美富，先後印行殷虛書契前後編殷虛書契精華鐵雲藏龜之餘，復考釋得六萬餘言，所謂寂寞之學，於是乃尊。嗣海寧王氏靜安因以考殷代世系及制度，而殷史殷禮，瞭然有徵，是誠能得其大者。並世諸賢，著述雲起，新知漸擴，異說斯禁，求一折衷羣言，盡理董之事者，至今尙闕然無聞。予曩有殷虛書契前編釋文之作，寒暑十數易，稿經五校，終惴惴不敢自信。爰流覽諸家考釋，就稿本錄存其說，積而久之，書眉墨徧，別下零籤，端緒稍明，姑藏篋衍，頗思暇日，編纂成書，以就正有道。王仲任云：箸作者思慮閒也，未必材知出異人也。玩味斯言，深歎得閒是福，而箸書爲尤。顧予累於一官，此事坐廢，甚自悔也。去年備書滬濱，乃大閒，得理舊業。老友黃賓虹宣古愚張冷僧秦曼青張丹斧柳翼謀吳眉孫羅雁峰並慫恿不已。鄭師許鮑扶九吳靜庵又力爲搜集參考諸書。容希白復假我所藏甲骨文拓片若干冊，俾資校訂。乃發憤遂寫舊稿，羅列衆說，坳以管闕，自春徂冬，鏗而不舍。書既成，名曰殷虛書契前後編集釋。客有謂予者曰：『君於衆說時有糾彈，使治斯學曉見然否之分，非不甚善；然獨不懼爲集矢鵠耶？』予曰：『通人箸書，不持我見，况孱討三千年上之殘餘文字，若射覆然，又焉能必中？今日得一解，喜不自

勝，明日更思之，輒自悟其違失，此中甘苦，當共喻之。且予所疏解，多以卜辭証卜辭，不敢背前人以經証經之例。必不得已，始援引金文經訓，以濟其窮。本無剖判混沌，解決亂絲之才；而毅然爲之者，亦惟期與海內外諸賢，平心商榷，終蕪一當，發揮而光大之，則詹詹之作，爲不虛矣。客退，爰述成書顛末。其編纂要旨，別詳於凡例。民國二十一年五月鎮江葉玉森自序於此一是非齋。

凡 例

- 一 是編輯錄衆說，悉依其著作印行之年月先後爲序，或寫整篇，或摘要語，後說襲前說者，概置不錄，有引申者仍節存之，間有獻疑，藉供探討。
- 一 考釋地名，僅見日本林泰輔氏甲骨文地名考一書，應俟專家論定。是編仍依王氏戩壽堂殷虛文字考釋例，于釋地從畧。有因解說文字而釋及地名者，仍錄之。
- 一 諸家考釋，行文體例不齊，較其大概，文言爲多，故是編於非文言者，不得已變其文體。然於作者本意，不敢稍損。
- 一 舊著殷契鈎沈，說契，掣契枝譚，鐵雲藏龜拾遺考釋，是編或錄原說，聊以存參；或易新解，用俟商榷；時賢有糾正前書者，亦特著之。
- 一 殷代文獻無徵，雖隻字單辭，亦應珍視。是編於一版內僅存殘文者，依殘文錄之。其一版內卜辭外有一字或二字以上之殘文者，則增錄於卜辭後。
- 一 依據影本寫錄全文，凡半字一字兩字之別，一辭數辭非辭之分，左行右行下行之殊，是闕不闕疑闕之異，又紀數之文字，侵入行間，剝

蝕之痕，似爲變體，審察不細，譌語滋生，是編雖辨及毫芒，仍恐千慮一失，尙希大雅，加以匡正。

- 一 羅氏考釋，商氏類編，王氏類纂，難識之字，或列以待問，或附以存疑，是編間事補釋，以待商量，餘仍摹其原文，俟諸來者，整斜完壞，悉如其形。
- 一 甲骨殘損，文亦因之。諸家於其闕處書一闕字於右側，究竟有無闕文，或難斷定。是編於能知闕文之多寡者，依其闕數作 □ 以識之，其不知闕文之有無多寡者，作 囗 以識之。
- 一 凡二行以上之文，如不注明行數，則本辭排列，不可得知，是編於每行末字之左下隅作 L 以識之，審察行數，較爲簡明。
- 一 是編於殘闕之文，參之辭例，可補出者，則將補出之字，錄於闕文口識之右，藉可畧窺全辭。不可補者，仍闕之。
- 一 原書影片有複出者，有已載鐵雲藏龜者；諸家引証，有卷葉參差者，有字形錯誤者；皆爲校正附記於篇。
- 一 是編繕稿將竣，始獲見日本高田忠周氏古籀篇，學古發凡兩書，惜難采錄。海內外通人著述，爲見聞所未及者，想當不少，補輯入編，俟諸異日。